

醫學綱目

二十四

脾胃部

水脹通論
少脹脹

水腫
少脹脹滿

胎前水腫
胎前後脹


產後水腫

| | | | |
|------|---|----|----|
| 內閣文庫 | | | |
| 架 | 冊 | 號 | 類 |
| 三 | 二 | 四九 | 漢書 |

| | |
|------|-----------|
| 內閣文庫 | |
| 番號 | 漢 12491 |
| 冊數 | 23 (14) |
| 函號 | 301 20 |



醫學校
典藉方



醫學綱目卷之二十四

水脹通論

脾胃部

診法

水脹皆本於勞
勞過度
 靈黃帝問曰水穀入于口輸于腸胃其液別為五天寒衣薄則為溺與氣天熱衣厚則為汗悲哀氣并則為泣中焦胃緩則為唾邪氣內逆則氣為之閉塞而不行不行則為水脹余知其然也不知其何由生願聞其道岐伯曰五穀之津液和合而為膏者內滲入于骨空補益腦髓而下流于陰股陰陽不和則使液溢而下流于陰髓液皆減而下下過度則虛虛故腰背痛而脛痠陰陽氣道不通四海塞閉三焦不瀉津液不化水穀并行腸胃之中別于迴腸留于下焦不得滲膀胱則下焦脹水溢則為水脹
五盛津液過度謂勞勞過度也
 本臍腹四肢悉腫者為水但腹脹四肢不甚腫為蠱脹也

靈黃帝問于岐伯曰水與膚脹鼓脹腸覃石瘦石水何以別之岐伯荅曰水始起也目窠上微腫如新臥起之狀其頸脉動時欬陰股間寒足頸腫腹乃大其水已成矣以手按其腹隨手而起如裹水之狀此其候也黃帝曰膚脹何以候之岐伯曰膚脹者寒氣客于皮膚之間蹙蹙然不堅腹大身盡腫皮厚按其股脊而不起腹色不變此其候也鼓脹何如岐伯曰腹脹身皆大大與腹脹等也色蒼黃腹筋起此其候也腸覃何如岐伯曰寒氣客于腸外與衛氣相搏氣不得榮因有所繫癖而內着惡氣乃起瘕肉乃生其始生也大如鷄卵稍以益大至其成如懷子之狀久者離歲按之則堅推之則移月事以時下此其候也石瘦何如岐伯曰石瘦生于胞中寒氣客于子門子門閉塞氣不得通惡血當瀉不瀉以留止日以益大狀如懷子月事

不以時下皆生于女子可導而下黃帝曰膚脹鼓脹可刺

邪岐伯曰先瀉其脹之血絡後調其經刺去其血絡也水論○石水臍已下臍其脉沉

水腫先日足腫後胎前水產後水

治法

素帝曰其有不從毫毛生而五臟陽以竭也津液充郭王註云不從毫毛生者生于內也津液者水也充滿也郭皮也蓋陽竭於外津液得以充滿於郭而浮腫也郭

獨君孤精於內氣耗于外形不可與衣相保此四極急而動中是氣拒于內而形施于外治之奈何岐伯曰平治於權衡去宛陳莖微動四極溫衣繆刺其處以復其形開鬼門潔淨府精以時服五陽已布踈滌五臟故精自生形自盛骨肉相保巨氣乃平湯液醪醴論開鬼門發汗也衡謂察其脉浮沉也脉浮為在表脉沉為在裏在裏者泄之在表者汗之故下文云開鬼門發汗也去宛陳莖謂去積久之水物猶如草莖之不可久留於身中也微動四極謂微動四肢令陽氣漸以宣行故曰溫衣也

仲景法

仲諸有水者腰已下腫當利小便腰已上腫當發汗乃愈
風水脉浮身重汗出惡風者防已黃芪湯主之

防已兩一分 黃芪一分 白朮三分 甘草炙半兩

右剉每服五錢生姜四片棗一枚水盞半煎取八分去
查温服良久再服腹痛加芍藥一法潔古用此湯調五

苓散治因濕為腫者又方防已湯治風温脉浮為在表
其人或頭汗出無表在病者但下

重從腰已上為如腰已下
常腫及身重難以屈伸

皮水為病四肢腫水氣在皮膚中四肢緝緝動者防已茯苓湯主之

防已 黃芪 桂枝各二兩 茯苓六兩

甘草二兩

右五味以水六升煮取二升分温三服
厥而皮水者蒲灰散王之上方見林心已
利小便法

風水急風一身悉瘡脉浮不渴續自汗出無大熱越婢湯主之

麻黃六兩 石膏半斤 生姜三兩 大棗十五枚

甘草二兩

右五味以水六升先煮麻黃去上沫內諸藥者取三升
分温三服 惡風者加附子一枚炮風水加朮四兩

裏水者一身面目黃腫其脉沉小便不利故令病水假如
小便自利此亡津液故令渴也越婢加朮湯主之于前越
婢湯加白朮四兩甘草麻黃湯亦主之

甘草二兩 麻黃四兩

右二味以水五升先煮麻黃去上沫內甘草煮取三升
温服一升重覆汗出不汗再服慎風寒

水之為病其脉沉小屬少陰浮者為風無水虛脹者為氣

水其汗即已脉沉者宜麻黄附子湯浮者宜杏子湯

麻黄兩

甘草兩

附子一枚

右三味以水七升先煮麻黄去上沫内藥煮取二升半

温服八合日三服已上發汗出愈

丹溪法

丹水腫因脾虛不能制水水積妄行當以參朮補脾使脾

氣得實則能健運自然升降運動其樞機則水自行非若五苓之行水也宜補中行濕利小便切不可下當用二陳湯加白朮人參蒼朮為主佐以黃芩麥門冬制肝木若腹脹少佐厚朴氣不運加木香木通氣若陷下升麻柴胡提之隨症加減必須補中用大劑白朮補脾如壅滿用半夏陳皮香附監之有熱者當清肺金門冬黃芩之屬 赤岸馮令八官素飲食不知飽但食肉必泄忽遍身發腫頭面加多故月亦不可開膈間滿如築兩足麻至膝而止渾身

不可見風陰器挺長其脉左沉而重取不應右三部雖短小却有和滑氣象遂令單煮白朮湯飲早晨空心探而去之食後白朮二錢麻黄五分川芎半錢防風三分作湯下保和丸五十九如此者二日因吐中得汗通體上截為多遂得腫寬而眼開氣順而食進却于前方中麻黄防風加白朮三錢木通通草各半錢下保和丸五十九如此者五日而安此即開見 蘆節婦年二十餘半月之前夜間發熱面先腫次及身足腫肚亦腫口渴思冷水食畧減

大腹皮錢半

白朮一錢

蒼朮半

梔子四枚

川芎錢

麻黄分

木通錢

乾葛二

甘草稍

朱秀才因父坐受濕能飲酒下血以苦瀉藥泄之遂成腫

疾而壯足皆腫口渴中滿無力少汗脉瀼而短乃血爲濕
氣所傷法當行濕順氣清熱進食化積

滑石六錢

白木二錢

木通三錢

厚朴

乾葛各二錢

蒼朮二錢

分四貼加蘇葉七片每一貼煎至三之一熱下保和丸
與點丸溫中丸各五十九

王三九孺人浮腫膈滿腹滑泄口苦而渴小便赤少脉虛
而豁大稍遲此有汚積病爲人性急

滑石一兩

陳皮四錢

蘇梗

白木

川芎

木通

厚朴各二錢

茯苓皮一錢

甘草稍半錢

分六帖用順流水煎下保和丸廿五丸抑青丸十九

吳孺人胃中有積發爲腫成瘡疥身倦食少惡寒發熱

虛而沉

白木一兩六錢

滑石二兩

生地

木通

川芎各半兩

黃芩

茯苓皮

連翹各四錢

紫蘇三錢

甘草各半錢

下保和丸三十九

一女子年三十餘歲腫病有熱服藥得安但兩足下節不
退肚內自覺尚有熱脈却平矣飲食如昨

白木一錢

郁李仁一兩

蘇梗

木通

條芩

檳榔

枳實炒半兩

青皮一兩

甘草稍一錢

分十貼細研郁李仁以順流水三盞盪起煎一盞食前
熱服

張郎廿歲秋得腫疾午前上甚午後下甚口渴乏力脉瀼

弱食亦少稟氣素快汗不能自出鬱而爲水與灸三里肺俞大椎合谷分水又與此方

白木半錢

陳皮分五

黃芩

紫蘇

海金沙

木通

大腹皮

茯苓皮

乾葛炒

厚朴

甘草各二錢

作一貼水煎服

光明人脚腫肚畧急身微熱脉畧數口乾

白木錢一

茯苓分五

乾葛炒分五

蘇梗錢五

大腹皮錢三

甘草錢一

川芎錢二

陳皮分五

許宅婦人二十已上脚腫近日有瘡毒

白木錢七

蒼朮

陳皮

犀角末

川芎錢五

木通

連翹

蘇葉各三錢

甘草稍一錢

分七貼前後入姜汁令辣熟食前服

馮官人因內有濕積兼時令濕熱右腿少陽分發爛瘡如掌大痒甚兩手脈洪緩畧數而目手足俱虛腫膈中午前痞悶午後腫到兩足則膈寬

犀角生五分

枳殼炒分五

陳皮

連翹

白木各一錢

木通分五

蒼朮分五

甘草稍二分

茯苓分五

加姜汁煎服

馮客瘡而發腫微渴脉左手虛右手大食少

白木半錢

陳皮錢一

木通

厚朴炒

大腹皮錢五

甘草錢二

牛膝分五

蘇梗分三

姜片三

馮孺人瘡而浮腫大便自利

人參

半夏

陳皮各一錢

川芎

蒼木炒 白芷各五分 木通二錢 白朮半錢

甘草多三分

王官人年四十瘡兩日一發始善啖至春作腫大小便秘食少面浮腫口渴

厚朴一錢 白朮半錢 木通七分 陳皮一錢

川芎 大腹皮各五分 牛膝 滑石各一分

甘草多三分

右丹溪治水腫之法十五條其法大率皆以甘草佐白朮參陳等劑補中氣為君木通滑石郁李仁海金沙行水為臣厚朴大腹皮蘇梗通滯氣為佐使如氣不昇浮惡寒脉沉者探吐以提之頭面先腫加麻黃微汗之挾積氣者佐以保和温中抑青等丸磨之挾熱者佐以黃芩之類清之挾瘡癰者佐以連翹犀角散之而隨証加

減也

先補後

羅治腫以胃氣為本至元戊寅五月間積雨淋淫魯齋許仲平先生時年五十有八面目肢體浮腫大便溼多腹脹腸鳴時痛飲食減少命予治之脉得弦細而緩魯齋曰年壯時多服牽牛大黃藥面目四肢時有浮腫今因陰雨故大發予曰營運之氣出自中焦者胃也胃氣弱不能布散水穀之氣營養臟腑經絡皮毛故氣行而瀉為浮腫大便溼多而腹脹腸鳴皆濕氣勝也四時五臟皆以胃氣為本五臟有胃氣則和平而身安若胃氣虛弱不能運動滋養過甚則必死故經曰真臟之脉弦無胃氣則死先生之疾幸而未至于甚尚可調補人知服牽牛大黃為一時之快不知其為終身之害也遂以平胃散加白朮茯苓草薏苡

仁數服而腹脹泄腸鳴時痛皆愈飲食進止有四肢浮腫以導滯通經湯主之良愈

導滯通經湯治痺濕有餘及氣不宣通面目手足浮腫

陳皮 桑白皮 白朮 木香各五錢

茯苓去皮

霖雨時加澤瀉一兩

右咬咀每服五錢水二盞煎至一盞食前溫服

白茯苓湯能變水

白茯苓 澤瀉各二兩 郁李仁五錢

右咬咀作一服水一碗煎至一半生姜自然汁入藥常

服無時從少至多服五七日後竟腹下再腫治以白朮

散

白朮 澤瀉各半兩

右為末煎服三錢或丸亦可煎茯苓湯下三十九以黃芪芍藥建中湯之類調養之平復後忌房室猪魚塩麪等物

秘方

本大東湯治四肢腫滿用白朮三兩艾咀每服半兩水一盞半大東三枚拍破同煎至九分去渣溫服日三四服不拘時候

梅治水腫不能服藥商陸一升羊肉六兩以水一斗煮取六升去渣和肉葱豉作臠如常法食之商陸白者好

食醫治十種水氣痛不瘥欲死者鯉魚一頭重一斤已上者煮熟取汁和冬瓜葱白作羹食之 治十種水氣病不瘥垂死者青頭鴨一隻治如食法細切和米并五味煮令

熟作粥空腹食之

梅治水氣脹滿小便瀆白鴨一隻去毛腸洗淨饋飯半升

開鬼門

與椒姜同穰鴨腹中縫定如法蒸熟食之
子和鄺之營兵狄家小兒病風水諸醫用銀粉粉霜之藥
小便反瀉飲食不進頭腫肚脹四肢皆滿狀若水晶求治
戴人戴人曰此証不與壯年同壯年病水者或因留飲及
房室此小兒終七歲乃風水証也宜出汗乃置燠室以屏
帳遍遮之不令見火若內火見外火必昏瞶也使大服胃
風湯而浴之浴訖以布單重覆之凡三五重其汗如水腫
乃減五分隔一二日又依前法治之汗出腫減七分又三
汗而全減尚未能食以楸榔丸調之兒已嬉笑如常日矣
本治水氣羌活散

羌活

蘿蔔子

各等分

右同炒香熟去蘿蔔子不用末之溫酒調下二錢
一服二日二服三日三服取効

羅五皮散治他病愈後或瘡痂後身體面目四肢浮腫
便不利脉虛而大此由脾肺虛弱不能運行諸氣氣滯不
理散漫於皮膚肌腠之間故令腫滿也此藥並宜服之

大皮

赤茯苓皮

陳皮

桑白皮

炒各等分

右件為粗末每服五錢水一大盞同煎至八分去渣溫
服不拘時候日進三服

香蘇散治水氣虛腫小便赤瀉

陳皮

防已

木通

紫蘇葉

各半

右為末每服二錢水二盞生姜三片同煎

外治水病洪腫氣脹不消食用香薷五十斤細剉納盆中
水浸上數寸煮使氣盡去查澄清熬稠丸如桐子大日二
服每服五丸稍加以小便利為度

潔淨

梅治水腫作坐臥不得頭面身體悉腫取東引花桑枝燒

灰淋汁煮赤小豈空心食令飽飢即食盡不得吃飯

瓜性急又病典
陽虛者忌之
丹治水病初得危急冬瓜不限多少任吃神効無比

丹十種水氣冬瓜去穰納赤豈在內蒸熟為丸服 治痢

日久津液枯四肢腫口乾用冬瓜黃土厚包五寸煨熟去

土取汁飲之驗錄

羅白丸子治遍身腫及單腹脹滿喘悶不快小便赤瀉神

効

輕粉五錢 粉霜炒四錢 礪砂研炒二錢 滑石研炒四錢

寒水石火燒研少三錢 白丁香研羅末炒三錢

右件藥將輕粉滑石二味一處研勻用薄紙裹了却更

和白麵作餅再裹前藥又用桑柴火燒以熟為度取出

與前四味一處和勻水浸蒸餅搗乾為丸如菜豈大每

日姜湯下三服食前下第一日每服二九第二日每服

三九第三日每服四九第四日每服五九如覺小便多

腫漸減便勿服如小便不多更服一日二日加作六丸

做一服一日亦三服腫消為効如服藥至第三日覺牙

縫內痒痛口氣出時便用漱口藥用貫衆黃連各半兩

為散每服一錢水一盞煎至七分入龍腦少許攪勻溫

服之每一日煎一錢漱口如腫消忌鹽魚肉冷硬果食

只服粥白日永瘥如臟腑秘瀉氣實先服治腫海藻散

此藥親用救人甚多神効

海藻散方見本門積氣文

仲牡蠣澤瀉散治腰以下腫力見傷寒

河草塵丸治一切水濕氣通身腫不可當者

人參一兩 苦葶藶四兩于鍋內吊上炒黃色為度

右二味同為細末用束肉和丸桐子大每服十五丸煎桑白皮湯下日進三服空心食前驗

羅聖靈丹治脾肺有濕喘腫盛小便赤澇

苦葶藶四兩 木香 檳榔 茯苓麩裏

防風 木通 人參已上各二錢半

右為末用束肉為丸如桐子大煎桑白皮湯下

赤茯苓丸治脾濕太過四肢腫滿腹脹喘逆氣不宣通小便赤澇

葶藶四兩 防已二兩 赤茯苓一兩 木香五錢

右為細末束肉丸如桐子大每服二十九煎桑白皮湯下食前

續隨子丸治遍身虛腫喘悶不快

人參 漢防已 赤茯苓 木香

檳榔各五錢 苦葶藶四兩 續隨子一兩 海金沙五錢

右為細末束肉丸如桐子大每服三三十九煎桑白皮湯食前下

海紫古方治水腫用蜈蚣去頭尾與葡萄心同搗露七日

曝乾為末淡酒調下暑月濕用尤佳如葶藶方治水腫喘促不得臥雙陸五枚為末食前湯調半錢至十錢小便通功

仲夫水病人目下有臥蚕或面目鮮澤脉伏其人消渴病

水腹大小便不利其脉沉細者有水可下之

世治水腫 薏苡仁根君木香 檳榔 黑牽牛

石為末酒調服妙

外療水病腫用鯉魚一頭極大者去頭尾及骨唯取肉以

有積者
輕劑

水二升赤小豆一大升和魚肉煮取二升已上生布絞取汁去查頓服盡如不盡分為三服當下利利盡即瘥

本治身躄腫滿水氣急臥不得郁李仁一大合搗為末合和麩搜作餅子與吃入口即大便利氣便瘥

丹有人患脚肤腫漸上膝足不可踐地大水頭面遍身腫脹滿用苦瓠瓢實稔如豈大以麩裹煮一沸空心服七枚至午當出水一斗三日水自出不止大瘦乃瘥三年內須

慎口味 一方治腫取苦瓠殼以塩搽殼上燒存性為末煎童便一盞調服瘥

苦瓠須六擇無壓面細埋於多者不爾有毒

三種散治浮腫用陳蘿薤三種去瓢陳蒲殼去瓢烏豈一合同煎服即時退

羅無礙丸治脾濕積流四收腫滿

大腹皮二兩 木香半兩 蓬朮 京三稜

檳榔 郁李仁各一兩

右為細末炒麥藥麩糊為丸如桐子大生姜湯下

本治腫滿小便不利茯苓散

郁李仁四錢 檳榔二錢 赤茯苓 白朮

甘遂切片炒 陳皮一錢

右細末每服一錢姜東湯調下

治十種水病并根源証狀方法

一青水先從左右肋腫起根在肝 大戟

二赤水先從舌根起根在心 葶藶子

三黃水從腰腹起根在脾 甘遂微炒

四白水從脚腫起根在肺 桑白皮

五黑水從外腎腫起根在腎 連翹

六玄水從面腫起根在外腎 芫花醋炒

七風水從四肢腫起根在骨

澤瀉

八石水從腎腫起根在膀胱

藜蘆

九高水從小腹腫起根在小腸

巴菝去皮

十氣水或盛或衰根在腹

赤小豆

右十般種病各有根源種種不同看十種病根除一味倍多餘九味等分逐味依法修治焙為細末煉蜜丸如桐子大用赤茯苓湯吞下三丸不拘時候每日三服忌鹽一百二十日緣鹽能化水也又忌魚蝦麪食一切毒物及生冷房室甚効用此方獲瘥後更用後來補藥

補藥方

肉桂去粗皮

赤去皮

乾姜

莪醋

川芎

肉薤

桔梗各等分依法製服方無赤茯苓木

皮白

檳榔

凌劑

右等八為末每服三錢百沸湯點服空心食各一服前項二方治水腫病甚効予試用之百發百獲濟者無數世間所有水病方藥無出此三方之古者幸勿忽

河三花神祐丸治中滿

一切水濕腫滿

甘遂

大戟

芫花醋拌濕炒各五錢

大黃兩

輕粉

牽牛兩

右為末滴水丸如芫大初服五丸每服加五丸溫水下每日三服利為度得利止後服神効

海金砂散治脾濕大過通身腫滿喘不得臥及腹脹如鼓

牽牛炒一兩半一半生

甘遂錢五

白木兩一

海金砂錢三

右為細末每服二錢煎倒流水一盞餐前調下得宣利
其後服

羅海藻散治男子婦人通身虛腫喘滿不快

海藻

大戟

大黃

隨續子

去赤各一

兩右四味用好酒浸一宿取出晒乾候用

滑石

兩半

白牽牛

頭末生一

兩甘遂

熱炒一兩

白芫薺

青皮

陳皮

去白各半兩

右前藥都一處杵為細末大人每服二錢如氣實者三錢平明冷茶清調下至夜時取下水三三行腫減七分隔二三日平明又一服腫消忌魚肉百餘日小兒腫服一錢五歲以下者半錢女人有胎者不可服

虛實

錢氏論虛實腹脹實則不因吐瀉久病之後亦不因下利得之脹而喘急悶亂更有痰有熱及有宿食不化者宜

大黃丸白餅子紫霜丸下之更詳別大小便如俱不通者利小便後利大便虛則久病吐瀉後其脈微細主目胞腫虛腫手足冷宜先與塌氣丸後與異攻散及和中丸益黃散和其氣因氣而腫者煎陳皮湯因濕而腫者煎防己黃芪湯調五苓散因熱而腫者八正散又一法燥熱于肺為腫者乃絕水之源當清肺除燥水自生矣于梔子豉湯中加黃芪如熱在下焦陰消使氣不得化者宜益陰則陽氣自化加黃連黃柏是也

寒熱

中滿分消丸

熱水腫

梔子

五錢

木香

一錢

白木

一錢

急流水煎

又方山梔子去皮取仁炒搥碎米飲湯送下如胃院熱病在上者帶皮用

本治遊風攻頭面或四肢作腫塊知母湯

知母

麻黃

黃芪

甘草

羌活

白朮

枳殼

右麵末每服四錢水一盞半牛旁子百粒研碎煎至七分溫日三四服覺冷不用牛旁子 有一達官母年七十中風手拘攣平日止是附子之類扶養一日面浮腫

手背亦腫尋常有一國醫供藥診之是水病欲下大戟牽牛以導之其家大驚憂

子大過正虛風生熱之証腫曰風足脛腫曰水此服

咽必噎塞膈中不利誠如予言進升麻牛旁玄參湯繼以知母湯三日便愈

無復元丹治三焦不瀉氣脈塞閉樞機不通喘急奔急水氣盈溢滲透經絡皮膚溢滿足脛尤甚兩目下腫腿腹間冷口苦心腹堅脹不得正偃偻則咳嗽小便不通夢中虛

驚不能安臥

獨活

木香

川椒

羌活

厚朴

陳皮

吳茱萸

桂心

澤瀉

肉蔻

檳榔

右為末糊丸如桐子大每服五十九煎紫蘇湯送下不

拘時此藥世傳屢驗服者宜先屏去諸藥一日三服先服旋利如傾次即腫消喘止宜絕慾屏鹽半年乃不再

本治脾虛浮腫實脾散

大附子

草菓

甘草

乾姜

大腹皮

木瓜

右用水于沙器內者乾一半擘開着乾姜不白心為度亦不得令水乾至焦取出焙乾為末每日午時空心沸

湯點服

藏府

素三陰結謂之水

陰陽別論。王註云謂脾肺之脉俱寒結也。

下焦溢為水

全文見診。王註云下焦為分注之所氣壅不瀉則為溢水。

陽明所謂上喘為水者陰氣下而復上上則邪客于臟腑間故為水也

運氣

運氣水腫有四

一曰濕經云太陰所至為肘腫又云濕勝則濡泄甚則水閉肘腫又云太陰之勝足脛肘腫飲癸于中肘腫于上又云太陰司天客勝則首面肘腫呼吸氣喘治以諸熱是也
二曰火熱經云諸病肘腫皆属于火又云少陽司天火氣下臨肺氣上從寒熱肘腫又云少陽司天火淫所勝民病皮膚痛色變黃赤傳而為水身面肘腫腹滿仰息又云少陽之復渴引水漿化而為水傳為肘腫又云少陽司天客

勝甚則肘腫治以諸寒是也

三曰寒經云寒勝則浮是也

四曰燥經云陽明所至為浮虛是也

針灸

黃帝問曰少陰何以主腎七何以主水岐伯對曰腎者

至陰也至陰者盛水也肺者太陰也少陰者冬脉也故其本在腎其末在肺皆積水也帝曰腎何以能聚水而生病岐伯曰腎者胃之關也關門不利故聚水而從其類也上下溢于皮膚故為肘腫肘腫者聚水而生病也帝曰諸水皆生于腎乎岐伯曰腎者牝臟也地氣上者属于腎而生水液也故曰至陰勇而勞甚則腎汗出腎汗出逢于風內不得入于臟腑外不得越于皮膚客于玄府行于皮裏傳為肘腫本之于腎名曰風水所謂玄府者汗空也帝曰水俞五十七處者是何主也岐伯曰腎俞五十七穴積陰之

所聚也水所從出入也尻上五行七五者此腎俞故水病
下為疝腫大腹上為喘呼不得臥者標本俱病故肺為喘
呼腎為水腫肺為逆不得臥分為相輸俱受者水氣之所
留也肺腎之標本其上下分為相輸應之病而伏菟上各
但受者芻此二臟乃水氣之所畜故也伏菟上各
二行行五者此腎之街也三陰之所交結於脚也踝上各
一行行六者此腎脉之下行也名曰太衝凡五十七穴者
皆臟之陰絡水之所客也水熱穴論

尻上五行行五

脊中一

懸樞一

命門一

腰俞一

長強一

大腸俞二

小腸俞二

膀胱俞二

中胎內俞二

白環俞二

胃倉二

育門二

志室二

胞肓二

秩邊二

伏菟上各二行行五

中柱二

四滿二

氣穴二

大赫二

橫骨二

外陵二

大巨二

水道二

歸來二

氣街二

踝上各一行行六

太衝二

復溜二

陰谷二

照海二

交信二

築賓二

靈風痲膚脹為五十七疔取皮膚之血者盡取之四時氣篇

刺灸水腫有五法

其一取腎膀胱經前篇云五十七穴者是取其二經之穴
也又經云腎疝者腹大脛腫取其經少陰太陽血者是取
其二經之血也

其二取血絡經前云取皮膚之血者盡取之是也

其三取胃經云胃足陽明之脉所生病者大腹水腫視盛

虛熱寒陷下取之是也

其四取委陽經云三焦病者不得小便溢則水取委陽是也

其五筋針取水先以鈹針針之已刺而筋之引針而納之入而復之以盡其痧必堅來來緩則煩悅來急則安靜間日一刺之痧盡乃止筋針針中有空

撮浮腫 分水 中腕各灸 內庭 行間 臨泣各瀉

東水氣皮痛不可近衣小腹敦敦然小便黃身潤 章門

屋翳 灸 陰交 章門 之

華外腰水腫先從腰腫起 肝募 水分

內中水腫面痿黃 胃脘 通谷 氣海 水分

胞中水腫根在心水赤 心俞 巨關 氣海

腹中水腫從脾起水黃 脾俞 胃脘 水分

肺端水腫從胸起水白 肺俞 肝募

足心水腫從足起 白環俞 水分 臍中

四肢水腫變身浮 臆募

兩脇水腫四肢枯瘦從脇腫起 章門 期門

小腸水腫從臍腫起 氣海

保五脈論五水灸法

青水灸肝井脈 赤水灸心榮脈 黃水灸脾俞脈 白

水灸肺經脈 黑水灸腎合脈

甲身腫關門主之 水腫脹皮腫三里主之 風水膝腫

巨虛上廉主之 風水面肘腫頰黑解溪主之 風水面

肘腫衝陽主之 水中留飲胸脇支滿刺陷谷出血立已

面肘腫上星主之先取諶諶後取天牖風池 水腫人

中盡滿唇反者死水溝主之 水腫大臍平灸臍中無理

診

不治

素目窠微腫如卧蚕之狀曰水平人氣象論足脛腫曰水

仰病下利後渴飲水小便不利腹滿因腫者何也答曰此

法常病水若小便自利及汗出者自當愈跌陽脉當伏

今反數本自有熱消穀小便數今反不利此欲作水寸

口脉浮而遲浮脉則熱遲脉則潛熱潛相搏名曰沉跌陽

脉浮而數浮脉則熱數脉則止熱止相搏名曰伏沉伏相

搏名曰水沉則絡脉虛伏則小便難虛難相搏水走皮膚

則為水矣

素頸脉動喘疾欬曰水平人氣象論

仲風水其脉自浮外証骨節疼痛惡風針經論疾診尺篇云視人之目窠生

微癢如新臥起狀其頸脉動時欬按其手足上管而不

者風膚脹也又仲景云太陽脉浮而緊法常骨節疼痛反

不疼身重而酸其人不可汗

出即愈為風水治法見前陽虛條

皮水其脉亦浮外証胸臃按之沒指不惡風其腹如鼓不

渴當發其汗又云渴而不惡寒者此是皮水蓋法當風水

亦當發汗也治法見陽虛條正水其脉沉遲外証自喘

石水其脉自沉外証腹滿不喘人奇論篇腎所并沉

黃汗其脉沉遲身發熱胸滿四肢頭面腫久不愈必致癰

膿又云身腫而冷狀如周痺背脊中脊不能食反

緊痛暴躁不得眠此為黃汗治法見黃汗條仲心水者其身重而少氣不得臥煩而躁其陰大腫肝

水者其腹大不能自轉側脇下腹中痛時時津液微生小

便續通肺水者身腫小便難時時鴨瀉脾水者其腹

大四肢苦重津液不生但苦少氣小便難腎水者其腹

大臍腫腰痛不得溺陰下濕如牛鼻上汗其足逆冷而黃

瘦一云大便反堅無大抵浮腫帶數即是虛寒滯止于其間久必沉伏沉伏

則陽虛陰實為水必矣 面龐然浮腫疼痛其色恰黑多
汗惡風者屬腎風治見諸 諸唇黑則傷肝缺盆平則傷
心臍出則傷脾足心平則傷腎背平則傷肺凡此五傷必
不可治也

仲脉得諸沉當貢有水身躰腫重水病脉出者死無擇云

脉帶數即是虛寒若止于其間必死
况伏沉伏則陽虛陰實為水必矣

脉水病脉洪大者可治微細者不可治 水病腹大如鼓

脉實者生虛者死 水病夜半死全文見

仲諸病水者渴而不利小便數者皆不可發汗

素帝曰有病腎風者而胸龐然壅塞于言可刺否岐伯曰

虛不當刺不當刺而刺後五日其氣必至帝曰其至何如

岐伯曰至必少氣時熱時熱從背脊上至頭汗出熱以

乾苦渴小便黃目下腫腹中鳴身重難以行月事不來煩

而不能食不能正偃正偃則咳病名曰風水論在刺法中

帝曰願聞其說岐伯曰邪之所湊其氣必虛陰虛者陽必

湊之故水氣時熱而汗出也小便黃者少腹中有熱也不

能正偃者胃中不和也正偃則咳其上迫肺也諸有水氣

者微腫先見于目下也帝曰何以言之岐伯曰水者陰也

目者亦陰也腹者至陰之所居故水在腹者必使目下腫

也真氣上逆故口苦舌乾卧不得正偃正偃則咳出清水

也諸水病者不得卧卧則驚驚則效甚也腹中鳴者病本

於胃也薄脾則煩不能食食不能下者胃脘隔也身重難

以行者胃脉在足也月事不來者胞脉閉也胞脉者屬心

而絡于胞中今氣上迫肺心氣不得下逼故月事不來也

仲問曰病者若水面目身躰四肢皆腫小便不利脉之不

禁忌

言水反言胸中痛氣上衝咽狀如炙肉當微咳喘審如師
言其脉何類師曰寸口脉沉而緊沉為水緊為寒沉緊相
搏結在關元始時當微年盛不覺陽衰之後榮衛相干陽
損陰盛結寒微動緊氣上衝喉咽塞噎脇下急痛醫以為
留飲而大下之氣擊不去其病不除後重吐之胃家虛煩
咽燥欲飲水小便不利水穀不化面目手足浮腫又與葶
藶丸下水當時如小差食飲過度腫復如前胸脇苦痛象
若奔豚其水揚溢則浮咳喘逆當先攻擊衝氣令止乃治
咳咳止其喘自差先治新病病當在後

考誤

用盧氏醫鏡水脹辨 內經曰諸氣憤鬱皆屬於肺諸濕
腫滿皆屬於脾諸腹脹大皆屬於熱蓋濕者土之氣土者
火之子故濕每生于熱熱氣亦能自濕者子氣感母濕之
變也凡病腫皆宜以治濕為主所挾不同故治法亦異類

例治腫以治水立說而欲導腎以決去之豈理也哉脾土
衰弱內因七情外傷六氣失運化之職清濁混淆鬱而為
水類例以為本末皆歸于肺腎胃三者而不及脾下文繼
以肺金盛而生水水液妄行氣息閉壅機壅而為腫夫脾
土受病肺為之子焉有自盛而生水者哉若謂腫之水果
生于肺金之清氣則滋長腎陰奉行降令為化生之源何
病腫之有今滲透經絡注流溪谷皆濁腐之氣窒碍津液
久久灌入隧道血亦化水而欲藉脾土以制之導腎氣以
利之不思脾病則肝木來侮子氣亦衰木寡于畏脾欲不
病不可得矣治法宜清心經之火補養脾土全運化之職
肺氣下降滲道開通使敗濁之氣其稍清者復回而為氣
為血為津液其甚者在上為汗在下為溺以漸而分清矣
今不明言而曰制水燥水得非白圭以隣國為壑乎經言

腫病因津液充郭而致不生于肺金之盛也明矣又言氣拒于內氣耗于外其不能滲運敗濁耳又云開鬼門潔淨府鬼門膚腠也屬肺淨府膀胱也屬腎之府未聞有導腎氣之說註文明言陰精耗損腎氣果可導乎仲景謂治濕利小便即經中潔淨府之意苟以清淨為腎而導之果於經意有合乎錢仲陽謂腎無瀉法其可輕易導之乎或曰經言疏滌五臟非導腎歟予曰此承上文五陽已布而言若鬼門開矣淨府潔矣三宮之陽氣條布彼敗濁之氣自然疏導滌除于腎氣何與焉

○胎前水腫

表裡
雲防已湯治妊娠脾虛遍身浮腫心腹脹滿喘促小便不利

防已七斤

桑白皮

赤茯苓

此藥蘇非子藥各一斤

木香一錢

右為粗末每服四錢姜四片水同煎食前服

葶藶散治妊娠遍身浮腫

葶藶子一斤

白朮五兩

茯苓

桑白皮

郁李仁各二兩

右為粗末水六升煎取二升分三服小便利即瘥

又方

澤瀉

葶藶各二兩

茯苓

枳殼

白朮各六兩

右細切以水六升煮取二升半分溫二服

子和治妊娠從腳上至腹腫小便利微渴者葶藶五兩末以熱水服方寸匕日三服

凡子腫多濕用山柅一撮米飲吞下

○產後水腫

產後水腫

大注

用產後腫必用大補氣血為主少佐以蒼朮茯苓使水自

汚血

因大調經散治產後腫滿喘急煩渴小便不利

大荳

一兩半 去皮 茯苓神一

真琥珀錢一

右為細末濃煎烏荳紫蘇湯調下

產後四肢浮腫者敗血循經流入四肢滯留日深腐爛如水故令四肢腫面黃宜服小調經散血行腫消則愈

沒藥

琥珀

桂心

芍藥

當歸各一錢

細辛

麝香各五分

右為細末每服半錢姜汁酒各少許調停服

虛尖

丹婦人產後浮腫小便少口渴惡寒無力脉皆沉此躰虛而有濕熱之積必上焦滿悶宜補中道水行氣可也

白朮二兩

陳皮一兩

川芎半兩

木通錢一

茯苓三錢

下與點九廿五丸

大奪魂散治產後虛腫喘促利小便則愈

生姜

三兩

白麩三兩

半夏七個

右以生姜汁搜麩裏半夏為七餅子煨焦熟為末水調一盞小便利為功

潔如產後風寒在表面目四肢浮腫宜局方中七聖丸白

湯下日加以利為度

七聖丸方見青

如浮腫至膝喘嗽加木香

振擲倍之謂氣多也

如浮腫又頭痛昏冒加羌活川芎

謂風多也 如只浮腫止七聖丸本方服之

口中滿分消丸

方見張門熱糸

杜張宣徽侍寵產後半月忽患浮腫急召產科醫治經半

月不瘥病勢轉劇召杜治之杜至曰諸醫作何病張曰皆

藥

云水氣浮腫杜曰非也且水氣發咳嗽小便澀是也今愛
寵小便不澀不作咳嗽惟手足寒乃血藏虛氣塞不通流
面生浮腫遂用益血和氣藥治之旬日病去七八經半月
全愈所用之藥乃灵苑方牡丹散也其方云治血藏風虛
令今產科家多用此藥治產後諸病如神更名曰損金湯
者是也 牡丹散 方見產後
血暈門
大加減吳茱萸湯治婦人血藏虛宿挾風冷身面虛浮等
疾

| | | | |
|-----------------------|-----|-----|----------------------|
| 吳茱萸 <small>一兩</small> | 桔梗 | 乾姜 | 甘草 |
| 麥冬 <small>四</small> | 防風 | 半夏 | 細辛 |
| 當歸 | 赤茯苓 | 牡丹皮 | 桂心 <small>各半</small> |

右爲粗末每服四錢水一盞半煎至七分去查食前熱
服

丹毒 腫水腫澤蘭防己等分温酒調下二錢如不能
飲者醋調下亦可 成氏

大法

先腹大後四肢腫爲脹 或獨腹大四肢不腫者治法同
無附子藜蘆湯治寒客皮膚殼殼然而堅腹大身腫按之
陷而不起色不變病名膚脹 一劑未知再作

大附子 一個重七錢者
生去皮臍半破 藜蘆 二

右以生薑二兩切水二碗煎至一碗去查分三服空腹
温服次日將前附子破作四片再用藜蘆二兩姜一兩
如前煎服停三日復料附子作八片如前煎服
治鼓脹法並見後行濕寒熱氣血諸條皆其法也

虛寒 熱
仲脹滿按之不痛爲虛痛者爲實可下之 腹脹時減復
如故此爲寒當與温藥 腹滿不減減不足言須當下之

宜大承氣湯

海脾虛滿者黃芪湯為藥 脾實滿不運平胃散蒼朮

東垣云腹脹滿氣不轉者加厚朴以破滯氣腹中奔悶此

非腹脹滿乃散而不收可加芍藥收之是知氣結而腹宜

厚朴散之散而脹宜芍藥收之

積虛

母鼓脹大補中氣行濕此乃脾虛之甚必須遠音樂斷厚

味 朝寬暮急血虛暮寬朝急氣虛終日急氣血皆虛用

太劑人參白朮佐以陳皮蒼朮茯苓之類 有血虛者四

物行血隨証加減 凡補氣必帶厚朴寬滿 腹脹必少

佐厚朴者蓋厚朴味辛以氣聚于上焦故也氣不運加水

香氣若陷下用升麻柴胡以提其氣水腫當補脾為主白

朮茯苓陳皮佐之

鼓脹論 心肺陽也居上腎肝陰也居下脾居中亦陰也

屬上經曰飲食入胃遊溢精氣上輸于脾脾氣散精上歸

于肺通調水道下輸膀胱水精四布五經並行是脾具坤

靜之德而有乾健之運故能致心肺之陽降腎肝之陰升

而成天地交之泰是為無病之人今也七情內傷六淫外

侵飲食失節房勞致虛脾土之陰受傷轉輸之官失職胃

雖受穀不能運化故陽自升陰自降而成天地不交之否

于斯時也清濁相混隧道壅塞氣化濁血凝滯而為熱熱

留而久氣化成濕濕熱相生遂成脹滿經曰鼓脹是也以

其外雖堅滿中空無物有似于鼓其病膠固難以治療故

又名曰蠱若虫侵蝕有蠱之義驗之治法理宜補脾又須

養肺金以制木使脾無賊邪之慮滋腎水以制火使肺得

清化之令却鹽味以防助邪斷妄想遠音樂以保母氣無

有不妄醫者不察病起于虛急於取効術能希賞病者苦

心利藥

卷五

五

補氣
為主

於脹急喜行利藥以求一時之快不知寬得一日半日其
腫愈甚病邪甚矣真氣傷矣去死不遠古方惟禹餘糧丸
又名石中黃丸又名紫金丸制肝補脾殊為切當亦須隨
証又須順時加減用之為妙予友俞仁叔儒而醫連得家
難年近五十得此疾自制禹餘糧丸服之予診其脈弦濇
而數曰此丸新製煅煉之火邪尚存溫熱之藥太多宜自
加減不可執方俞笑曰今人不及古人此方不可加減服
之一月口鼻出血色黑骨立而死 楊兄年五十性嗜酒
病瘧半年患脹病自察必死來求治診其脈弦而濇重則
大瘧未愈手足瘦而腹狀如蜘蛛遂教以參朮為君當歸
川芎芍藥為臣陳皮黃連厚朴茯苓為佐生甘草些少作
濃湯飲之一日定三貼彼亦嚴守戒忌一月後瘧得汗而
愈又半月小便長而脹愈中間雖少有加減大意以其補

氣行濕 又陳氏年四十餘性嗜酒大便時見血于春固
患脹色黑而腹大其形如鬼診其脈數而濇重似弱予以
四物加黃連黃芩木通白朮陳皮厚朴生甘草作湯與之
近一年而安一補氣一補血餘藥大率相出入皆獲安以
保天壽或曰氣無補法子何補氣而獲安果有說以通之
乎予曰氣無補法乃世俗之言也蓋氣之為病痞悶壅塞
似難於補恐增病勢不思正氣虛者不能運行邪滯所着
而不去所以為病經曰壯者氣行則愈怯者著而成病苟
或氣法不用補法氣何由行或曰子之藥審則審矣何効
之遲也病者久在床枕將必厭子之迂而求速効者矣余
曰此病之起或三五年或十餘年根深勢篤欲求速効自
求禍耳知王道者能治此病也或曰脹病將終不可與利
藥乎予曰灼知其不因于虛受病亦淺脾胃尚壯積滯不

固而又有可下之証亦宜畧與疏導若援長子和濟川散
禹功丸爲例行迅攻之策實所不敢 潘可達女年十九
歲稟受頗厚患曾腹脹滿自用下藥利十數行時脹無增
減來求治診其脈皆大畧按即散而無力全無數意予曰
此有表証反攻裏當死賴稟受好時又在室尚可挽回壽
損矣急與四物湯加人參白朮帶白陳皮炙甘草煎服至
半月後病不退又自用蘿蔔根種煎湯澡浴兩度時腫稍
增予曰表病攻裏已自難救今又虛其表事急矣于前藥
去地黃芍藥加黃芪倍白朮大劑濃煎湯飲又吞人參白
朮丸十日後如初病時又因吃難化物自利以參朮爲君
少加陳皮爲佐又與肉荳蔻訶子爲君山查子爲使粥和
作丸吞之至四五十貼而安 一男子年四十餘患癰久
而腹脹暎不數而微弦重取則來不滑利輕重又皆無力

遂與索氏三和湯三倍加白朮入姜汁服之數服而癰愈
小便利二三日脹稍減遂又小便短少予作氣血兩虛乎
前藥內入人參牛膝當歸身尾作大劑料百服而愈
索氏三和湯三倍加白朮方

白朮 厚朴 陳皮各三兩 木通一兩

檳榔 紫蘇各二兩 甘草 海金沙

大腹皮 白茯苓 枳殼各一兩 水煎服

海調胃白朮澤瀉散治痰病化爲水氣傳變水穀不能食

白朮半斤 澤瀉 芍藥 陳皮

茯苓 生姜 木香 檳榔各一兩

右爲末治腹腫如神 若心下痞加枳實 若心下盛

加牽牛

仲心下堅大如盤邊如旋杯水飲所作枳朮湯主之

枳實十個 白木二兩

右二味以水五升煮取三升分溫三服腹中軟即當散也

因積成脹者補虛消積

羅真定王君用年一十九歲病積臍左連脇如覆杯腹脹如鼓多青絡脈喘不得臥時值暑雨加之自利完穀日哺潮熱夜有盜汗求予往治之脉得浮數按之有力謂病家曰凡治積非有毒之劑攻之則不可今脈虛弱如此豈敢以常法治之遂投分滲益胃之劑數服而便清自調襍以升降陰陽進食和氣而腹大減胃氣稍平間以消積之劑不月餘良愈先師嘗曰潔古老人有云養正積自除譬如滿座君子縱有一小人自無容地今令真氣實胃氣強積自消矣

丹一婦人年三十六歲家貧多勞性偏急自七月斷經至

八月小腹下有一塊偏左如拳有時塊起即痛作伏則勢減至半月後腹漸腫脹食減平時三分之二無力遇夜發熱天明即稍退其脉得虛微短弱瀆左尤甚初與白朮一斤帶白陳皮一斤作二十貼服以三聖膏貼塊上經宿則塊軟再宿則塊小旬日後食稍進熱減半脉稍有力又與白朮一斤帶白陳皮半斤酒當歸身半斤木通三兩每貼研桃仁九粒盡此劑病悉除 一婦人年五十餘歲素好怒因食燒猪肉次早面脹絕不思食倦怠六脈沉瀆獨左豁大余作躄虛有痰氣為痰所隔不得降當以補虛利痰為主每早以二陳湯加參朮大劑與一貼服後探令吐出藥辰巳時復與索氏三和湯一倍加白朮二貼至睡後以神佑七丸以撓其痰去牽牛如此服至一月而安矣 金壽一安人年七十一歲好濕麪得帶下病亦惡寒淋瀝醫

與荷花鬚柴胡等藥發熱所下愈多醫與縮砂豆蔻藥以
 其食少也腹滿脹氣喘又與葶藶散不應又與禹餘糧丸
 病愈甚醫又與崇土散亦不應子脉之兩手洪濇輕則弦
 長而滑實至是喘甚不得臥此不是濕而釀成濕在足太
 陰陽明二經水穀之氣為濕所抑不得上升遂成帶下理
 用升舉之劑以補氣和血次之而醫反與瀉燥宜其展轉
 身病遂與人參生肺之陰以拒火毒白朮以補胃氣除濕
 熱行水道莢仁去汚生新郁李仁行積水以通草佐之犀
 角屑解食毒消腫悶檳榔治最高之氣作濃湯吞下保和
 丸藥又疑素厚養有肉積加阿魏小丸同嚥之四五日後
 積氣漸消腫漸下又加補腎丸以生腎水之真陰又兩三
 日後漸安而得睡食有味矣又兩日後加與點丸以驅逐
 肺家之積熱而愈

一丈夫脾有執賢有虛胃有積得腫疾或進或退口乾或
 氣喘醫連月不退脉軟而細以其形肥不以為忌用

白朮四錢 芍藥 地黄三錢 連翹
 當歸二錢 青皮二錢 人參 木通
 羌活 黃芩各半 甘草 紅花此

右分五點煎下保和丸
 楊生年三十因癘初安淡食甚腐齋飯成脹在鬲上小便
 赤少不思食口渴脉弦而瀉此胃中有瘀血用

蘇梗三錢 木通半錢 白朮半錢 川芎
 枳實 白芍各五分 甘草二分 陳皮五分
 厚朴三分

右研益元散下保和丸五十粒
 一丈夫氣上肚或膨脹此下虛所致

陳皮錢五

人參

歸鬚

白朮

連翹各三錢

地黃

芍藥各二錢

木通半錢

甘草分五

右分五貼煎下保和丸

木香化滯湯

白豈蔻仁

陳皮

大腹子

白茯苓

砂仁

人參各一錢

青皮

檳榔

木香

姜黃各二錢

白朮一錢

甘草分四

白檀分二

藿香葉分二

枳椇分五

右為細末水一大盞二分煎至一盞稍熱服食前沸湯點服亦得

右方治因積滯成脹皆以參木枳通等煎湯補虛行濕下神佑阿魏等丸消積所謂攻補兼施者也

小温中丸治脹是脾虛不能運化不可下之

陳皮

半夏湯泡去皮

神麩炒

茯苓各一兩

白米二兩

香附子不要十各一兩半

砂炒紅

苦參炒

黃連炒各半兩

甘草三錢

右為末醋水各一盞打糊為丸如桐子大每服七八十

丸白朮六錢陳皮一錢生姜一片煎湯吞下虛甚加人

參一錢各用本方去黃連加厚朴半兩忌口病輕者服

此丸六七兩小便長病甚者服一斤小便始長

無禹餘糧丸治十種水氣脚膝腫上氣喘滿小便不利但

是水氣悉皆主之

許李士及丹溪皆云此方治彭脹之要藥

蛇含石

大者三兩以新鐵鉢盛入炭火中燒蛇黃與銚子一般紅用銚取蛇黃傾入銚中候冷取

出研

極細

禹餘糧三兩 真針砂五兩先以水淘

并藥入炭中燒紅銚出傾藥淨磚地上候冷研細

以三物為主其次量入虛實入下項治米多是取轉推此方三物既非大
戟甘遂芫花之比又有下項藥扶持故虛人老人亦可服

羌活

木香

茯苓

川芎

牛膝

酒浸

桂心

白芷

炮

大茴香

蓬朮

炮

附子

乾姜

炮

青皮

京三稜

炮

白蒺藜

當歸

酒浸一宿各半兩

右為末拌勻以湯浸蒸餅揅去水和藥再搗極勻丸如桐子大食前溫酒白湯送下二十九至五十九最忌益一毫不可入口否則發疾愈甚但試服藥即於小便內旋去不動臟腑病去日日三服兼以溫和調補氣血藥助之真神方也

行濕

丹脉堅實人壯盛者或可用攻藥便收拾白朮為主垣中滿治法開鬼門繫爭府開鬼門者發汗也繫爭府利

表

裡

小便也又中滿者瀉之於內謂脾胃有病當令上下分消其氣下焦如瀆氣血自然分化不待洩滓穢如或大實其滿大小便不利從權以寒熱藥下之或傷酒濕麪及味厚之物膏粱之人又或食已便臥使濕熱之氣不得施化致令腹脹滿此亦是熱脹也治熱脹分消丸主之

仲氣分心下堅大如盤邊如旋杯水飲所作桂枝去芍加麻辛附子湯主之

桂枝

生姜

甘草

麻黃

細辛各二兩

附子

一個

右七味以水七升煮麻黃去上沫內諸藥煮取二升分溫三服當汗出如虫行皮中即愈

聖牛黃琥珀丸治水腫腹大氣息不通危急者神効

牛黃

琥珀

椒目

沉水

葶藶

炒紫色各三分

昆布洗

海海

洗炙各一
四一錢

牽牛妙

桂各一
兩

右八味為末別研葶藶如泥一處拌勻煉蜜丸如桐子大每服十五丸米飲下以小便利為度日再服河間方有麝香龍胆無琥珀易名苦葶藶膏治法與此方同

伴腹滿口舌乾燥此腸胃間有水氣防已椒藶丸主之

防已

椒目

葶藶炙

大黃各一
兩

右四味末之蜜為丸如桐子大先食飲服十九日三服稍增口中自有津液渴者加芒硝五錢

無葶藶丸治腫滿腹大四肢枯瘦小便澀濁

甜葶藶隔紙
炒

葶藶根等分

右為末蜜丸如彈子大每服一丸陳皮湯嚼下只三九小便清數丸當依舊上葶藶
椒目行濕

羅白丸子治單腹張神效方見水
張門

潔治水氣蠱脹潔淨府楮實子丸

楮實子

一斗水二斗
熬成膏子

白丁香一兩

茯苓三兩

右二味為末用楮實膏為丸如桐子大不計丸數從少至多服至小便清利及腹脹減為度次服中治丸末治

藥調養疎啓其中忌甘苦峻補其下五補七宣丸
白

香為行濕之劑中治丸即自末散用白木瀉澤等分為
末以茯苓煎湯調下未治即黃芪健中之類方並見水

世治蠱用蝦蟆一枚去內腸入蜈蚣七個新瓦上焙乾為

末丸酒服如無蜈蚣用縮砂七粒木草云蝦蟆味辛寒
有毒主邪氣破癥堅

秦黃帝問曰有病心腹滿且食則不能暮食此為何病岐

伯對曰名為鼓脹帝曰治之奈何岐伯曰治之以雞矢醴

一劑知二劑已帝曰其時有復發者何也岐伯曰此飲食

氣壯因積成脹者但治積

不節故時有病也雖然其病且已時故當病氣聚于腹也
腹中論王註雜矢大利小便微寒用湯漬服之潔古云以酒調服

五積久必心腹脹滿肝為肥氣心為伏梁肺為息奔脾為痞氣腎氣奔豚如斯之類從五積法治之可也

丹朱怒入哥肚腫因濕氣起自五月能飲酒左脇有塊兩足時有腫

白朮 三稜醋炒 木通 陳皮

大腹皮 赤茯苓 海金沙各五分 甘草二分

炒朴五分 肉桂三分

煎湯下保和丸三十溫中丸三十抑青丸十九

垣廣茂潰堅丸治中滿腹脹內有積堅硬如石形如盤令人坐臥不寧大小便滯滯為喘氣促面色痿黃

厚朴生五分 黃芩五分 黃連分六 草苴寇分五

益智分五 半夏分七 蓬朮分二 甘草生

紅花分一 柴胡 升麻 吳茱萸

澤瀉各二分 神麴分三 歸稍分五 青皮分二

陳皮分一 葛根四分治虛渴

右剉如麻苴大水二盞煎至二盞去渣稍熱服忌酒麴二服之後中滿減半止有積不消再立方名曰半夏厚朴湯

厚朴分八 半夏水 吳茱萸 肉桂

紅花 黃連各一分 桃仁分七 蘇木分五

京三稜 蒼朮 白朮 柴胡

葛根不用 甘草生各三分 歸稍 猪苓

乾姜 升麻各四分 草苴寇分二 澤瀉分六

木香 青皮 陳皮 黃芩生各二分

昆布

神麩

右對如麻荳大芥一服依前煎服之禁忌如前服此藥
二服後煎藥又減一半却於前藥中加減之

厚朴

黃芩

甘草

吳茱萸

益智

砂仁

荳蔻

半夏

黃蘗

紅花

歸稍

黃連

右對如麻荳大作一服水二大盞煎至一盞去查稍熱
服食前忌苦寒藥泄大便又忌魚兔肉并鹽物房事等

項

丹心腹膨脹內多食積所致

南星

半夏

瓜蒌仁

研和爛

香附

黃連

礞石

羅漢子

麝香

連翹

右用麩糊為丸

腹腫不寬滿食肉多

黃連

阿魏

半兩醋

作糊丸同溫中丸白朮湯送下

食肉多腹脹用三補丸料內加香附半夏麩蒸餅丸服

寒熱方見治

積氣

四炒枳殼丸治氣血凝滯腹內蠱脹

枳殼

黃連

黃芩

黃連

黃連

黃連

黃連

黃連

右用原炒蒼朮蘿蔔子乾漆茴香四味同水二碗煎至

一碗去香煮麩糊為丸如桐子大每服五十九食後米

飲下

孫殿中丞其郎中妹十歲腹痛色不變按之而大陷心腹
痞膈病已月餘按甲乙經云三焦脹者氣滿于皮膚中殼

然石堅遂與仲景方厚朴生姜二兩半夏七錢甘草半兩
人參一錢每用藥一兩五錢水煎分三服一日服之至二
十日愈

脈實脈
伏積頑
者微利
之

大戟一斗置鍋內入水約四指用大戟并根苗蓋過盆合
之煮熟為度去大戟不用旋旋吃盡無時盡決効如神

丹 大戟為丸棗肉丸每七九泄利小水切快實者

坦 沉香交泰丸 治脹大便燥結味沉
之洪緩浮之弦者

沉香

白朮

枳實

厚朴

茱萸

白茯苓

澤瀉

陳皮

當歸

大黃

青皮

木香

右為細末湯浸蒸餅為丸桐子大每服五十九加至七
八十九溫湯下食後微利止

沉香海金沙丸治一切積聚脾濕腫脹肚大青筋羸瘦惡

証

海金沙

沉香

輕粉

牽牛末

右為末研獨科蒜如泥為丸如桐子大每服三十九加
至五十九煎百沸灯心通草湯空腹送下更量虛實加
減丸數取利為度

潔 治腫木香散治水腫脹大如鼓或遍身皆腫

木香

大戟

白牽牛

右細末用猪腰子一雙批片摻末在內煨熟空心服之
如食左腰子則搗左臂如食右腰子搗右臂如腫不能
全去于肚上遠臍滿腹塗并遂細末却飲甘草水少許
其腫便去也

竹 香朮丸治蠱氣病有十種苦丁香為細末用熟朮為丸

如桐子大每服三十九煎東湯送下空心服之立効二服

大愈

仲病腹滿發熱十日脉浮而數飲食如故厚朴七物湯主之

厚朴半斤

甘草

大黃各三兩

大棗十枚

枳實五兩

桂枝兩

生姜五兩

右七味以水一斗煮取四升温服八合一日三次服區者加半夏五合下利去大黃寒多者加生姜至半斤

右下脹諸方蓋本于經所謂泄之則脹已之旨也

寒熱

丹治脹專主濕熱治法見前補虛行濕條

恒諸腹脹大皆屬于熱論此乃八益之邪有餘之証自

天外而入感風寒之邪自表傳裏寒變為熱作胃實腹病

口哺潮熱大渴引飲讖語是太陽陽明并大實大滿者入

承氣湯下之少陽陽明微滿實者小承氣湯下之山經曰

泄之則脹已此之謂也又熱論云傷寒變為熱攻下之不

脹者以明寒因寒用故曰下之脹已非陰盛生內寒胃寒

脹滿之病假令痰瘧為脹滿亦有寒脹熱脹是天之邪氣

傷暑而得之不即時發至秋發者何也暑天當時助正氣

故邪不能發至秋暮暑氣衰絕而瘧病作矣知其寒也局

方用交解飲子若是也此天之邪氣雖有餘病痰瘧猶以

為寒况不足病為脹滿者乎是知腹脹多為寒病也何以

言之脉經云胃中寒則脹滿靈樞經云夫飲食不節起居

不時未傳寒中又云腹脹滿胃脘當心而痛上支兩脇高

咽不通飲食不下取胃之三焦又云濁氣在上則生腹脹

靈樞經云脹取三陽三陽者足太陽膀胱寒水為脹與內

經通評虛實論說腹暴滿按之不下取足太陽經絡者胃

之募也正同又云腹滿臍脹支兩脇脇下厥上胃過在太

陰陽明此乃胃中寒執鬱遏也又云太陰之厥則腹滿嘔
 脹後不利不欲食食則嘔不得卧按內經所說寒脹多如
 此老夫但略舉其端其病者不特寒脹之多一切脹滿病
 作熱治之多用三花神佑九大黃牽牛之類下之或藥病
 不相應立致天折由是論之當從靈樞素問乎當從俗醫
 胃臆之論乎今立治中滿臆脹寒脹一方熱脹一方評而
 用之使上下分消其氣可也中滿分消湯治寒脹分消
 九治熱脹二方並見後條

靈胃中寒則腹脹胃中寒腸中熱則脹而且泄師傳 適
 寒涼者脹下之則脹已五常政論○東垣沉香
 海金沙丸方見脈實篇 陰并于
 下則足寒足寒則脹也論

治熱腫法

垣濁氣在上則生臆脹 陰陽應象論云清氣在下則生
 飧泄濁氣在上則生臆脹此陰陽反作病之逆從也夫臆
 脹者以寒熱溫涼論之此何脹也曰此飲食失節為脹乃

受病之始也濕熱亦能為脹右關脈洪緩而沉弦脈浮于
 上是風濕熱三脈相合而為病也是脾胃之令不行陰火
 亢甚乘于脾胃盛則左遷而陽道不行是六腑之氣已絕
 于外火盛能令母實風氣外絕風氣外絕者是穀氣入胃
 清氣營氣不行便是風氣也異呼同類即胃氣者是也經
 云虛則兼其所勝土不勝者肝之邪也是脾胃之土不足
 木火大勝者也經云濁陰出下竅濁陰走五臟濁陰歸六
 腑濁陰歸地此平康不病之常道反此則為脹也陰陽論
 云飲食不節起居不時者陰受之陰受之則入五臟入五
 臟則臆脹閉塞調經篇云下脘不通則胃氣熱熱氣薰胸
 中故內熱下脘者幽門也人身之中上下有七衝門皆下
 衝上也幽門上衝吸門吸門者會厭也衝其吸入之氣不
 得下歸于腎肝為陰火動相拒故咽膈不通致濁陰之氣

不得下降而大便乾燥不行胃之濕與客陰之火俱在其
中則腹脹作矣治在幽門使幽門通利泄其陰火潤其燥
血生益新血幽門通利則大便不閉吸門亦不受邪其膈
咽得通臍滿腹脹俱去是濁陰得下歸地矣故經曰中滿
者瀉之于內此法是也

沉香交泰丸治濁氣在上中擾清陽之氣鬱而不伸以為
腹脹服之以利為度方見前

右治脈洪便結而脹

治寒脹法
范天秩郎中之內八月中先因勞役飲食失節加之憂思
氣結病心腹脹滿且食則不能暮食兩脇刺痛診其脉弦
而細至夜濁陰之氣當降而不降臍脹尤甚大抵陽主運
化飲食勞倦損傷脾胃陽氣不能運化精微聚而不散故
為脹滿先灸中脘乃胃之募穴引胃中生發之氣上行陽

道後以順氣湯助之則濁陰之氣自此而降矣

木香順氣湯治濁氣在上則生臍脹

木香

蒼朮

草薢類裏煨各三分

厚朴制水四分

青皮錢一

益智

陳皮

澤瀉

白茯苓去皮

半夏

乾姜

吳茱萸湯洗各二分

當歸

人參各五分

升麻

柴胡去芦各一分

內經曰留者行之結者散之以柴胡升麻之苦平行少
陽陽明二經發散清氣運行陽分為君以生姜半夏草
薢蒼朮益智仁之甘辛大熱消散中寒為臣以厚朴木香
蒼朮青皮之辛苦大溫通順滯氣以陳皮當歸人參辛
甘溫調和榮衛滋養中氣濁氣不降宜以苦洩之吳茱
萸之苦熱洩之者也氣之薄者為陽中之陰茯苓甘平

澤瀉鹹平氣薄引濁陰之氣自上而下故以為佐氣味相合散之洩之上之下之使清濁之氣各安其位也右吐咀都作一服水二盞煎至一盞去渣溫服食前忌生冷硬物

右治脉弦細脇痛而脹

中滿分消湯治中滿寒脹寒疝大小便不通陰燥足不收四肢厥逆食入反出下虛中滿腹中寒心下痞下焦燥寒沉厥奔豚不收二服愈

脉弦脉細為寒

黃芪分五

益智

半夏各三分

川烏分一

吳茱萸

草薺各五分

人參

木香

青皮

當歸

黃連各二分

厚朴分五

茯苓

澤瀉

生姜

麻黃各二分

升麻分三

柴胡稍

乾姜

華澄茄各分

黃佰分五

右剉如麻苳大作一服水二盞煎至一盞去渣稍熱服食前大忌房勞酒麪生冷硬物油膩

丹治大人小兒因食果子多而腹脹氣急者肉桂細米飯丸苳苳大每服十九小兒五粒熱水下經駁方

垣靈樞經云腹滿大便秘利上走胃臆喘息喝喝然取足少陰取者瀉也宜以辛熱散之

良姜

肉桂

益智

草薺苳仁

厚朴

升麻

甘草

獨活使

黃柏少許引用

又方桂枝

桔梗

人參

青皮少

陳皮

良姜

白朮

澤瀉

吳茱萸

四肢濕腫宜繆刺先瀉其血結後調其真經謂刺去其血結是也

治心腹脹滿短氣以草薺薶一兩去皮為細末生薑湯調下五分

太陰所至為畜滿 辨云脾為陰中之太陰又云脾為陰中之至陰乃為坤元亘古不遷之土天為陽火也地為陰水也在人則為脾同陰水之化脾有餘則腹脹滿食不化故無陽則不能化五穀脾盛乃大寒為脹滿故脉經云胃中寒則脹滿大抵此病皆水氣寒濕為之也治宜大辛熱之劑必愈然亦有輕重

水香塌氣丸治中滿腹脹下焦虛損者

蘿蔔子炒

陳皮去白各五錢

草薺薶面裹煨

水香

青皮各錢

胡椒二錢

右為細末水調為丸如桐子大每服三十九溫米飲下

口渴脉洪數為濕熱

忌油膩服白粥百日重者一年小兒丸如麻子大桑葉皮湯下十九日三服大人陰囊洪腫冰冷須用青鹽乾姜白麩各二錢水和膏攤紙上塗貼諸脹腹大皆為熱全文諸病有聲鼓之如鼓皆屬于熱中滿分消丸治中滿熱脹鼓脹氣脹水氣脹大熱脹有寒者不治

黃芩炒

黃連各五錢炒

姜黃

白朮

人參去

甘草炙

猪苓去皮各一錢

白茯苓去皮

砂仁各二錢

枳實炒黃

半夏湯泡各五錢

乾姜二錢

厚朴去皮炒一兩

知母炒四錢

澤瀉二錢

陳皮三錢

右共為細末水浸蒸餅為丸如桐子大每服一百丸焙乾白湯下食後寒因熱用故焙服

有第二小娘食積挾濕手足生瘡腹滿面浮口渴食少

膈滿小便少大便實

大腹皮

乾葛各二錢

黃芩五錢

陳皮五錢

厚朴三錢

川芎三錢

炙甘草一錢

白木一兩

木通兩半

姜三片煎服

南二孺人面浮肚脹

蒼木五錢

黃柏三錢

白木兩半

陳皮一錢

木通二錢

川芎五分

滑石炒錢半

甘草二錢

厚朴五分

裴孺人年五十二歲氣上膈滿食少此積熱生溫診得左三部濇小右三部微數重取稍大喜得無弦脈為可治之

病

白朮兩一

青皮三錢

陳皮

厚朴各五錢

大腹皮二錢

片苓炒

木通五錢

蘇使

川芎各三錢

桂枝三錢

甘稍一錢

分十貼姜二片煮飲之前查之湯下保和三十丸

經患腹脹滿吞悶振山梔根少許煎水調一盞服 女入血氣腹腫以山梔根末三錢熱酒空心服之

氣分血分

俾寸口脉遲而濇遲則為寒寒氣不足則手足逆冷手足逆冷遲微則為氣遲則為寒寒氣不足則手足逆冷手足逆冷則榮衛不利榮衛不利則腹滿腸鳴相逐氣轉膀胱榮衛俱勞陽氣不通即身冷陰氣不通即骨寒陽前通則惡寒陰前通則痺不仁陰陽相得其氣乃行大氣一轉其氣乃散實則失氣虛則遺尿名曰氣分

氣分謂氣不通利而脹血分謂血不通利而脹非脹病之外又別有氣分血分之病也蓋氣血不通利則水亦不通利而尿少尿少則腹中水漸積而為脹但氣分心

藏府

條

腹滿臍脹支兩脇脇下厥上冒過在足太陰陽明全文見治虛實

下堅大而病發于上血分血結胞門而病發于下氣分
先病水脹後經斷血分先經斷後病水脹也血分治法見水腫脹

素太陰所謂病脹者太陰子也十一月萬物氣皆藏于中
故曰病脹時解

右脾胃脹治法見前補虛行濕條諸方是也

腎氣實則脹全文見治虛實條 二陰一陽發病善脹心滿善氣

全文見診病傳變

運氣 運氣脹有七

一曰濕助脾盛而脹經云諸濕腫滿皆屬脾土又云歲土太過甚則飲食中滿又云歲土不及濕乃大行民病腹滿

又云土鬱之發民病心腹脹滿腸鳴又云太陽司天寒氣下臨濕氣變物水飲內畜中滿不發甚則臍腫治以諸熱是也

二曰風攻脾虛而脹經云厥陰在泉風淫所勝病腹脹治以辛涼是也

三曰寒脹經云水太過曰流行流衍之紀其病脹又云歲水太過寒氣流行甚則腹大脛腫又云水鬱之發民病痞堅腹滿又云太陽之勝皮膚痞腫腹滿又云太陰司天之政民病寒濕腹滿身臍腫三之氣感于寒濕民病臍腫胸腹滿治以諸熱是也

四曰燥脹經云陽明之復腹脹而洩治以溫劑是也

五曰寒鬱熱于中而脹經云陽明司天之政初之氣寒雨化其病中熱脹又云太陽司天之政二之氣大涼反至火

氣遂抑民病氣鬱中滿是也

六曰寒熱相薄而脹經云少陰司天之政水火寒熱接于氣交民病腹脹大又云太陰司天之政四之氣寒風曉暮蒸熱相搏民病心腹滿熱臚脹甚則肘腫是也

七曰火鬱之發脹經云火鬱之發民病脇腹胸背面首四肢臏憤臚脹是也

雜方

梅治腹滿不能服藥導引方取獨蒜煨熟去皮納下部冷

針灸

黃帝曰脈之應于寸口如何而脹岐伯曰其脈大堅以清者脹也黃帝曰何以知臟腑之脹也岐伯曰陰為臟陽為腑帝曰夫氣之令人脹也在于血脈之中耶臟腑之內乎岐伯曰二者皆存焉然非脹之舍也帝曰願聞脹之舍岐伯曰夫脹者皆在于臟腑之外排臟腑而郭胸脇脹皮

用故命曰脹黃帝曰臟腑之在胸脇腹裡之內也若匣覆

之藏禁器也各有次舍異名而同處一域之中其氣各異

願聞其故岐伯曰夫胸腹臟腑之郭也臚中者心主之宮

城也胃者太倉也咽喉小腸者傳送也胃之五竅者閭里

門戶也廉泉玉英者津液之道也故五臟六腑者各有畔

界其病各有形狀帝曰願聞脹形岐伯曰夫心脹者煩心

短氣臥不安甲乙經云心輪主之亦取列缺肺脹者虛滿而喘欬甲乙經云

脾脹者善噦四肢煩惋躄重不能勝衣臥不安甲乙經云

腎脹者腹滿引背央央然腰髀痛甲乙經云

胃脹者腹滿腕骨痛鼻聞焦臭妨于食大便難甲乙經云

大腸脹者脹鳴而痛濯濯冬日重感于寒則

食洩不化甲乙經云小腸脹者少腹脹引而痛甲乙經云

脾主 膀胱脹者少腹滿而氣痿甲乙云曲 三焦脹者

氣滿于皮膚中輕慳然而不堅甲乙云石 膽脹者脇下

痛脹口中苦善太息甲乙云陽 凡此諸脹者其道在一

明知逆順針數不失瀉虛補實神去其室致邪失正真不

可定粗之所敗謂之天命補虛瀉實神歸其室久塞其空

謂之良工黃帝曰脹者焉生何因而有岐伯曰衛氣之在

身也常然並脈循分肉行有逆順陰陽相隨乃得天和五

臟更始四時有序五穀乃化然後厥氣在下榮衛留止寒

氣逆上真邪相攻兩氣相搏乃合為脹也榮氣循脈衛氣

逆為脈脹衛氣並脈循分為膚脹三里而瀉近者一下遠

者三下無問虛實工在疾瀉榮衛循脈至此三十九字原

善何以解惑岐伯曰合之于真三合而得帝曰善黃帝曰

脹細言無問虛實工在疾瀉近者一下遠者三下今有其

三而不下者其過焉在岐伯曰此言陷于肉盲而中氣穴

者也不中氣穴則氣內閉針不陷盲則氣不行上越中肉

則衛氣相亂陰陽相逐其于脹也當瀉不瀉氣故不下三

而不下必更其道氣下乃止不下復始可以萬全烏有殆

者乎其于脹也必審其脉當瀉則瀉當補則補如鼓應桴

惡有不下者乎脈論

刺灸脹有七法

其一取血絡經云膚脹先取脹之血絡是也

其二取胃經前篇脹論所謂三里而瀉近者一下遠者三

下無問虛實工在疾瀉是其一法也又云胃者水穀之海

其輪上在氣街下至三里水穀之海有餘則腹滿審守其

陽明之脈是動則病背脊腹脹胃中寒則脹滿視盛虛熱
寒陷下取之是脹病大法皆瀉胃穴三里也

其三取脾經云腹滿食不化腹響響不能大便取足太陰
又云脾足太陰之脈是動病腹脹噎噎視盛虛熱寒陷下
取之又云脾虛則腹滿腸鳴飧洩取其經太陰陽明少陰
血者又云足太陰之別名曰公孫去本節之後一寸別走
陽明其別者入絡腸胃虛則鼓脹取之所別也是脹之虛
者多補足太陰脾穴也

其四取腎膀胱經云腎病者腹大脛腫取其經少陰太陽
血者又云腎藏志志有餘則腹脹飧洩瀉然筋血者又云
邪在腎則兩腹脹腰痛大便難取之湧泉崑崙是有血者
盡取之又云腹滿大便秘不利腹大赤上走胸噎喘息喝喝
然取足少陰又云男子如蠱女子如阻身軀腰脊如解不

欲飲食先取湧泉見血是附上盛者盡見血也又云脹取
三陽是脹病多瀉腎經諸穴也

其五取三焦委陽穴經云三焦病者腹氣滿小腹尤堅不
得小便窘急溢則水留即為脹取委陽是也蓋不得小便
則水無所泄其水溢出皮膚腫者為水其水留于腹中獨
腹脹者為脹也

其六取肺經云振寒洒洒鼓顛不汗出腹脹煩悅取手太
陰是也

其七取厥病成脹經云陽明之厥腹滿不得臥太陰之厥
腹滿腹脹少陰之厥腹滿心痛厥陰之厥少腹腫痛腹脹
盛則瀉之虛則補之不盛不虛以經取之是也

秘鼓脹之狀腹身皆大 臍上下左右各刺二分 中脘
通關三里手 膚脹之狀空而不堅腹身盡腫按之陷而

不起 太白 公孫 復溜 絕骨 三里 分水

腹脹 分水二寸 氣海 三里 三陰交 人中

腹脹并兩足有水 內庭五分 臨泣三分 瀉用香油抹

腹暴脹按之不下 中院 氣海 三里

世單蠱脹氣喘 水分在分水旁各一寸半針

又法 分水 三里 行間 內庭 右關 氣海各灸二十七

東腹脹臍突缺盆中滿尻腰腫 大敦 天牖 崑崙

甲寒氣腹滿滯淫灑身熱腹中積聚疼痛衝門主之 腹

滿嚮嚮然不便心下有寒痛商丘主之 腹脹善滿積氣

關門主之 腹中氣盛腹脹逆不得卧陰陵泉主之 腹

脹腸鳴氣上衝胃不能久立腹中痛濯濯冬日重感于寒

則洩當臍而痛腸胃間遊氣切痛食不化不嗜食身腫俠

臍急天樞主之 腹中有大熱不安腹有大氣相和

腹脹滿滯淫灑氣衝主之 腹滿痛不得息正卧屈一膝

伸一股並氣衝針入三寸氣至瀉之 腸中寒脹滿善噫

聞食臭胃氣不足腸鳴脹滿腹痛洩食不化心下脹三里

主之 大腸有熱腸鳴腹滿俠臍痛食不化喘不能久立

巨虛上廉主之 腹滿不嗜食衝湯主之 寒腹滿脹厲

兌主之 男子如蠱女子如阻寒熱少腹偏腫陰谷主之

胃中寒脹食多身壯羸瘦腹中滿而鳴腹腹風厥胸脇

痞滿嘔吐脊急痛筋攣食不下胃輸主之 頭痛食不下

勝為臚脹欲吐時泄注三焦俞主之 腹滿臚脹大便泄

意舍主之 臚脹水腫飲食不下多寒胃倉主之 腹滿

不能食刺脊中 寒中傷飽食飲不下 五臟臚滿脹心腹

胸脇痞滿脉虛則生百病上皖主之 腹脹不通寒中傷

診

飽食飲不化中脘主之 水腫水氣行皮中石門主之 腹滿胃中有熱 不嗜食懸鍾主之

脈盛而緊曰脹

平人氣象論曰脹論 脈大堅以濇為脹

唇偏舉者脾偏傾脾偏傾則善滿善脹

全文

腹脹身熱

脈大是逆也如是者不過十五日死矣

全文見診生死下 同○脹或無身熱

或兼如瘧狀皆 不可治累驗

腹大脹四末清脫形洩甚是逆也如是

者不及一時死矣

腹脹便血其脈大時絕是逆也 嘔

咳腹脹且發泄其脈絕是逆也 少陰終者面黑齒長而

垢腹脹閉上下不通而終矣 太陰終者腹脹閉不得息

善噫善嘔嘔則逆逆則面赤不逆則上下不通不通則面

黑皮毛焦而終矣

○少腹脹滿

水腎

腎下脹滿是也若先臍下滿漸延及臍上滿者亦用此

澤漆湯治石水四肢瘦腹腫不喘其脈沉

澤漆洗去脂 五兩

桑白皮

射干洗

黃芩

茯苓

白朮各四兩

澤瀉

防己各二兩

右咬咀每服五錢水三盞烏豈一合煎二盞入藥同煎

七分去渣空腹溫服日三

聖治腹堅脹滿號石水方用白石英十兩搥大豈大以甕

甕盛用好酒三斗浸以泥重封瓶口用馬糞及糠火燒之

長令酒小沸從卯至午即住火候次日煖一中盞飲日可

三度如吃酒少隨性飲之其白石英可更一度燒之

陰陽結邪多陰少陽曰石水少腹脹 腎肝并沉為石

水論 腎脈微大為石水起臍已下至小腹腫腫然上

至胃脘死不治

靈腸覃寒氣客于腸外與衛氣相搏氣不得榮因有所繫癖而內着惡氣乃起瘕肉乃生其始生也大如鷄卵稍以益大至其成如懷子之狀久者離歲按之則堅推之則移月事以時下此其候也

羅晞露丸治寒傷于內氣凝不流結于腸外久為癥瘕時作疼痛腰不得伸

京三稜

廣茂

各一兩酒浸

乾漆

五錢洗去醃炒烟尺

茴香

三錢鹽炒

硃砂

四錢另研

輕粉

一錢另研

川烏

半兩炮去皮

青皮

三錢去白

雄黃

另研

川山甲

炮二錢

麝香

五分另研

巴菝

三十粒去皮同廣茂三稜炒令采黃色去巴豆不用

右除另研四味外餘為細末和勻生姜汁糊為丸桐子

大每服二三十丸溫生薑湯送下溫酒亦得食前

無烏喙丸治腸覃亦治乳餘

烏喙

炮去皮尖一錢

半夏

湯洗四錢

石膏

煨

藜蘆

炒

牡蒙

茯苓

酒浸

桂心

乾姜

炮各一錢

巴菝

七個研膏

右末蜜丸如棗豈大每服三五丸食後酒飲任下亦治

男子疝病

石瘕

經云石瘕生於胞中寒氣客于子門子門閉氣不得通惡血當瀉不瀉血以留止日以益大狀如懷子月事不時下皆生于女子可導而下之

聖見睨丹治寒客于下焦血氣閉塞而成瘕空大必不消者

附子

四錢炮去皮臍

鬼箭羽

三錢

澤瀉

肉桂

玄胡索

木香

各二錢

紫石英

一錢

檳榔

二錢半

血竭

錢半另研

水蛭

炒一錢半烟

桃仁

湯浸去皮炒

黃

三十個

京三稜剉五錢 大黃剉碎一錢同京三稜酒浸一宿焙乾

右除血竭桃仁外同為細末和勻用原浸酒打糊為丸
桐子大每服十丸温醋湯送下温酒亦得食前

無石英散治婦人血結胞門或為瘕瘕在腹脇間心腹脹
滿腫急如石水狀俗謂之血蠱

紫石英兩 歸尾 馬鞭草各五錢 紅花炒半兩

烏梅肉五錢 蓬朮炮 三稜炮 蘇木節

沒藥 琥珀研各一錢 甘草一錢

右為末濃煎蘇朮酒調下二錢不飲酒姜湯調服

診

脉問曰病有血分水何謂也師曰經水前斷後病水名
曰血分此病為難治先病水後經水斷名曰水分此病易
治何以故去水其經自當下水分即氣分也

仲寸口脉沉而遲沉則為水遲則為寒寒水相搏跌陽脉

伏水穀不化脾氣衰則驚澹胃氣衰則身躄腫少陽脉
少陰細男子則小便不利婦人則經水不通經為血而不
利則為水名曰血分是也 師曰寸口脉沉而數數則為
出沉則為入出則為陽實入則為陰結跌陽脉微而弦微
則無胃氣弦則不得息少陰脉沉而滑沉則為在裏滑則
為實沉滑相搏血結胞門其瘕不瀉經絡不通名曰血分
仲大黃甘遂湯治女人小腹滿如敦敦狀小便微難而不
渴為水與血并結在血室也

大黃四兩 甘遂炮 阿膠炒各二兩

右剉散每服三錢水一盞煎至七分去渣温服其血當
下

無萬病丸治室女月經不通臍下堅結大如杯升發熱往
來下痢羸瘦此為血瘕若生肉瘕不可為也

乾漆碎炒令出烟一時久

牛膝酒浸一宿一兩六錢

生地黄四兩八錢取汁

右以地黄汁入下二味為末慢火熬候可丸即丸如梧子太空心米飲或溫酒下一九日再勿妄加病去止藥女人氣血虛經不行者不可服之

針灸

靈小腹滿大上走胃至心浙浙身時寒熱小便不利取足厥陰雜病

甲石水痛引脇下脹頭眩痛身盡熱關元主之 振寒大

腹石水四滿主之 石水刺氣衝 石水章門及然谷主

之 又天泉主之

世腸覃之狀內着惡氣乃起瘰肉大如鷄卵日以益大其

成也如孕推之則移 中極 氣衝 天樞 五福

石瘕之狀生于胞中惡血不通日以益大如孕 陰陵泉

去胞中 惡血 復溜順胃刺下待復溫方可去

胎前腹脹

大紫蘇飲治妊娠心腹脹滿而勝妨悶方見婦人胎通上心門

繁枳殼湯治婦人妊胎腹脹

枳殼三兩 黃芩一兩

右為粗末每服五錢水盞半煎溫服

治胎前腹滿身軀沉重枳殼湯中加白朮一兩

仲婦人懷妊六七月脉弦發熱其胎愈脹腹痛惡寒者小

腹如扇所以然者子藏寒故也當以附子湯溫其藏方見傷寒

見傷寒

婦人傷胎懷身腹滿不得小便從腰已上重如有水氣狀

懷身七月太陰當養不養此心氣實刺瀉勞宮及關元小

便微利則愈

治產後血與惡露不下因而血脹用杜牛膝杵碎用水熬成膏去渣每服一碗未知再服神效 子母產後穢污不盡腹滿用麻子三兩酒五升煮取一升分溫二服當下惡

物 千治產後穢污下不盡腹滿生薑二斤以水煮取汁服即出

日華治產後血脹苗葉同功乃益母草子也

保紫金丹治產後腫胸中有物狀是噎氣不降

代赭石

硃礬石

各等分按本草並無硃礬石止血下石汁除癥結伏鬼物惡氣疑即是此

右為細末醋糊丸桐子大每服三十五丸酒下胸中痛加川歸湯下久服治血癖

大抵聖湯治產後腹脹滿悶嘔吐不定不可用尋常治脹

止吐藥

赤芍藥

半夏

澤蘭葉

人參

陳皮各一分

甘草錢一

右咬咀用水一碗生薑焙乾五錢煎至半碗去渣分熱

三服

丹陽禮五孺人瘧產後腹滿畧渴不飲脉却虛

白朮炒六錢

陳皮錢五

白芍炒極熟二錢半

厚朴

川芎各二錢

每服加海金沙一錢

分四點煎下保和丸廿五粒

大枳朮湯治虛後心腹大如盤方見脈門

保又方

代赭石兩一

棗仁三十去

大黃兩

右細末薄荷水調丸三五丸溫水下無時

治產後腹大堅滿不能卧白聖散

尖

樟柳根三

大戟兩半

甘遂兩半

右細末每服二錢熱湯下取大府利為度此主水氣之

妙藥也

針灸

甲婦人產後餘疾飲食不下胸脇支滿目眩足寒心切痛

善噫聞酸臭脹痺腹滿小腹尤大期門主之

